



ԷԿՈՆՄԵՆԻԿ ԿՅԱՆԻ

ԼՈՒՐԵՐ ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻՑ

ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ
ԽՈՐՀՐԴԻ ՀԻՄՆԱԴՐՄԱՆ
ՔՍԱՆՀԻՆԳԱՄՅԱԿԸ

Եկեղեցիների համաշխարհային խորհրդի ընդհանուր քարտուղար դոկտ. Ֆիլիպ Փոթըրը իր 29 հունվար 1973 թվակիր նամակում, ուղղված Ամենայն Հայոց կաթողիկոսին, հաղորդում է, որ այս տարի լրանում է Եկեղեցիների համաշխարհային խորհրդի հիմնադրման 25-ամյակը՝ միաժամանակ տեղեկացնելով, որ Եկեղեցիների համաշխարհային խորհրդի կենտրոնական կոմիտեն ծրագրել է սույն թվականի օգոստոսի 26-ին, կրոնական հատուկ մի արարողությամբ, պաշտոնապես նշել այդ հոբելյանը Հելսինկիում, ուր նույն ամսին գումարվելու է կենտրոնական կոմիտեի տարեկան ժողովը:

Այս առթիվ Եկեղեցիների համաշխարհային խորհրդի ընդհանուր քարտուղարը կենտրոնական կոմիտեի անունից անդամ բոլոր եկեղեցիներին խնդրում է, որ Եկեղեցիների ազգային խորհուրդների հետ գործակցաբար մշակեն համապատասխան միջոցառումներ՝ նույն թվականին պատշաճ հանդիսավորությամբ նշելու համար այդ տարեդարձը:

ԷԿՈՆՄԵՆԻԿ ՀԱՆԴԻՊՈՒՄ
ՖՐԱՆԿՖՈՒՐՏՈՒՄ

Սույն թվականի հունվարի 30—31 օրերին Ֆրանկֆուրտ քաղաքում տեղի է ունեցել հանդիպում հոռմեական կաթողիկ եկեղեցու Եվրոպայի եպիսկոպոսաց ժողովների կոնսիլիում կազմակերպության և Եկեղեցիների համաշխարհային խորհրդի Եվրոպական եկեղեցիների կոնֆերանս կազմակերպության պատվիրակությունների միջև:

Հոռմի եկեղեցու կողմից հանդիպմանը մասնակցել են Մարսելի արքեպիսկոպոս Ռոմե Էլեգարալը, Հանս Մարտենսոն եպիսկոպոսը, պրոֆ. Ալոիզ Մուստարը և ուրիշներ. իսկ Եվրոպական եկեղեցիների

կոնֆերանսի նախագահությունը ներկայացվել է Էռնեստ Վիլմի, Տալլինի միստրոպոլիտ Ալեքսիի, Ռոմե Վիլսոն եպիսկոպոսի և հիշյալ կոնֆերանսի գլխավոր քարտուղար Գլեն Գարֆիլդ Վալյամսի կողմից:

Սույն հանդիպումը վերոհիշյալ Էկոմենիկ կազմակերպությունների ներկայացուցիչների երկրորդ հանդիպումն է: Առաջինը տեղի է ունեցել 1972 թվականի մարտին Ժնևում: Հանդիպման ընթացքում երկու կողմի ներկայացուցիչները մանրամասնորեն քննության են առել Եվրոպայի և ամբողջ աշխարհի խաղաղության և անվտանգության ապահովման ուղղությամբ իրենց անդամ եկեղեցիների ծավալած գործունեությունը: Նրանք գոհունակությամբ նշել են, որ վերջին ժամանակներում այդ հարցերի վերաբերյալ մի ճոր աշխույժ հետաքրքրություն է առաջ եկել Եվրոպայի եկեղեցիների և քրիստոնյաների մեջ: Որոշում է ընդունվել հետագայում շարունակել և առավել զարգացնել երկու կազմակերպությունների համատեղ ջանքերը Եվրոպայի անվտանգության և աշխարհի խաղաղության ապահովման գործում:

Ժողովում առանձին ուշադրությամբ ուսումնասիրվել են նաև հյուսիսային Իռլանդիայի եկեղեցիների միջև գործակցության հարցը և այդ կապակցությամբ երկու կազմակերպությունների առաջիկա համատեղ գործունեության հնարավորությունները:

Երկու պատվիրակությունները որոշել են իրենց հաջորդ ժողովը գումարել 1974 թվականի հունվարին:

ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ
ԽՈՐՀՐԴԻ ԱՌԱՔԵԼՈՒԹՅՈՒՆ ԵՎ
ԱՎԵՏԱՐԱՆՉՈՒԹՅՈՒՆ
ՀԱՆՁՆԱԺՈՂՈՎԻ ՆՈՐ ՏՆՕՐԵՆԸ

Հայտնի եկեղեցական գործիչ, Ուրուգվայի Մեթոդական միացյալ եկեղեցու նախագահ պատտոր Էմիլիո Կաստրոն վերջերս ընտրվել է Եկեղեցիների համաշխարհային

խորհրդի Առաքելություն և ավետարանչություն հանձնաժողովի տնօրեն: Դոկտ. Կաստրոն, որը ծանոթ է որպես ժամանակակից էկոմենիկ շարժման եռանդուն գործիչներից մեկը, սույն թվականի հունվարի մեկից անցել է իր նոր պաշտոնին՝ փոխարինելով Եկեղեցիների համաշխարհային խորհրդի այժմյան ընդհանուր քարտուղար դոկտ. Ֆիլիպ Փոթըրին նրա նախկին պաշտոնում:

ՆՈՐ ԿՏԱԿԱՐԱՆԻ ԱՌԱՋԻՆ ԷԿՈՒՄԵՆԻԿ ԹԱՐԳՄԱՆՈՒԹՅՈՒՆԸ

Սուրբ Գրքին քաջահմուտ կաթոլիկ, բողոքական և օրթոդոքս 111 գիտնականներ են մասնակցել Նոր կտակարանի ֆրանսերեն առաջին էկոմենիկ թարգմանությանը, որը վերջերս լույս է տեսել և ընթերցող հասարակության լայն խավերին ներկայացվել Փարիզում և Ֆրիբուրգում:

Սույն թարգմանության հրատարակության կապակցությամբ Աստվածաշնչի շվեյցարական ընկերության քարտուղար Պոլ Ֆուետերը Ֆրիբուրգում կայացած Աստվածաշնչի գիտնականների հանդիպման ժամանակ հայտարարել է. «Համաշխարհային քրիստոնեական պատմության մեջ առաջին անգամ լինելով կարող ենք հաստատել, որ այժմ մեր ձեռքի տակ ունենք այնպիսի մի թարգմանություն, որը արդյունքն է մեծ հըմտությամբ և ձեռնհասությամբ կատարված ընդհանրական մի աշխատանքի»:

Փարիզում Եկեղեցիների համաշխարհային խորհրդի պատվո նախագահ դոկտ. Վիսերտ Հուֆտը, ներկայացնելով Նոր կտակարանի սույն թարգմանությունը, ասել է. «Այս թարգմանությունը ինքնին ապացուցում է, որ այն միությունը, որը գոյություն ունի քրիստոնյաների միջև, շատ ավելի մեծ է, քան մենք կարող էինք ենթադրել»:

Հին կտակարանի էկոմենիկ թարգմանությունը ծրագրվել է լույս ընծայել 1975—76 թվականներին:

ԱԼԵԿՍԱՆԴՐՈՍԻ ՊԱՏՐԻԱՐԷԻ ՀԱՅՏԱՐԱՐՈՒԹՅՈՒՆԸ

Ալեքսանդրիայի հունաց Պատրիարք Նիկողայոս Զ-ը հերքել է Աթենքի պահպանողական թերթերից մեկի կողմից տարածված այն լուրը, որի համաձայն նա իբր պահանջել է, որ իր եկեղեցին անհապաղ դուրս գա Եկեղեցիների համաշխարհային խորհրդի կազմից:

«Նորին Ամենապատվության դիրքը Եկեղեցիների համաշխարհային խորհրդի նրկատմամբ եղել է դրական և վճռական ամեն անգամ, երբ հարց է առաջադրվել տիեզերական պատրիարքության և հունադավան մյուս ինքնագլուխ եկեղեցիների հետ միասնաբար հանդես գալու Եկեղեցիների համաշխարհային խորհրդի կազմում»:

Ալեքսանդրիայի և համայն Աֆրիկայի պատրիարքության սույն հայտարարությունը անողղակի խտրողականությունն է Եկեղեցիների համաշխարհային խորհրդի շրջանակներից դուրս գտնվող որոշ հոգևորականների հակաէկոմենիկ այն ձգտումների ու տրամադրությունների սուկայության, որոնք վերջին ժամանակներում գգալ են տալիս իրենց օրթոդոքս եկեղեցու ներսում:

ԲԵՌԼԻՆ-ԲՐԱՆԴԵՆԲՈՒՐԳԻ ԵԿԵՂԵՑՈՒ ԱՌԱՋԻՆ ԵՊԻՍԿՈՊՈՍԻ ԸՆՏՐՈՒԹՅՈՒՆԸ

Բեռլին-Բրանդենբուրգի (Արևելյան Գերմանիա) բողոքական եկեղեցու Սինոդը անցյալ նոյեմբեր ամսին Բեռլինում ընտրել է իր առաջին եպիսկոպոսը հանձին պատրի Ալբերտ Ծյոնիերի՝ հաստատելով այդպիսով վերոհիշյալ եկեղեցու գոյությունը, որպես վարչականորեն ինքնուրույն և անկախ եկեղեցի:

Սինոդը, բացի այդ, մշակել է եպիսկոպոսի ընտրության մի նոր եղանակ և վերասահմանել նրա իրավասությունները համաձայն տվյալ եկեղեցու սահմանադրության:

Այս ընտրությամբ Բեռլինի բողոքական եկեղեցու եպիսկոպոս Կուրտ Ծարֆի իրավասության տակ մնում է միայն Արևմտյան Բեռլինը:

